

أَرْضِيْنَا بِمَا كُنَّا نَعْمُرُ
بِالْمَسْجِدِ الْحَرَامِ

أرض المشاعر

شعر عامي

عائشة مكي

الإهداء

إلى قلوب زرعت بنبضها مشاعرنا

إلى من أبحر عبر الحنين والأنين ليرسمنا

عائشة مكي

تأشيرة

تأشيرة
وماشية أنا
ومعايا تأشيرة
جواز سفر وأشلائي في حقيبة
بكتوي بالغبرية
وبها حزينة
رسايل راكبة طيارة
بنت مشاعرها فياضة
ضحيج أحلامي سيباها
زحمة في حكاية
غبرية ويا رتها ليها معنى أو دلالة
في الحماسة كانت البداية
معاني تايمية
ألف ليلة وليلة
صوت الغربة

بالقسوة ينطق
وبالرعد غرقانة
ولا نايمة ولا شبعاينة
شبابي أصبح كهولة
حروفي مكسورة
شرقية في الغربية معزولة
في بلادي كنت أسطورة
دلوقتي مهزومة
في الصورة
شخصية مجهولة
فاقدة الهوية
بالمظاهر كنت مخدوعة

* * *

بعث كثير رسايل

بعث كثير رسايل

حضنت دموعي

ويا الكلام

كنت بسمعك

والكلام سهل

اخترت احبك

وانت الاهل

يا ريتك سمعت

او يوم فهمت

اخترت احبك

وانت بتحب

عامل سامعني

كانك فاهمني

والف صدمة تصدمني

عيونك كثير بتخدعني

يطول معاك وهي

وكانك الاعى

اللي كثير بتوجعني

اسامحك وتسألني

انت حساني

وحدك أنتِ فهماني
أقوله خلاص انتهى
كفاية مسحته من بالي
يقوِّى عذراني
بقلبك أنتِ حضناني
عليل قلبك
والعشق سلطاني
وأنتِ فارسها
تعصف بقلبي
وأنتِ حارسها
أزرعك أمل في عينيا
وأنتِ عاشق تفاصيلها
أضقّر ألف ليلة وليلة وبياك
وأنتِ هناك
تبالغ أوي في قسوتي
وأنا بقول: قسمتي
راسم بسمتي
تقوِّى فجري
وهي حيي
تغازل اتنين في أحلامك
تنسج معاها أيامك
أداوي جرحك

ومعاها فرحك
وتقول بعابتك
وأنا ظلماك
وأنا بحارب لَجُل هواك
الدنيا رحلة شقا وياك
صدقني هنسأك
كنت في قلبي ملاك
تنادي قلبها
وأنا مجنونة بهواك
تسافر تفاصيلي معاك
رغم قسوتك.. بهواك
تزرع سمر وياها
وتبكي وأنا معاك
نبضي شجر بيضلك
قلبك حجر وأنا بهواك
هي ست الحسن
وأنا صدقني هنسأك
مش هحارب ولا رجعالك
يمكن تدوق طعم الغرام
أو يكون ليا ذكرى معاك
أو نفترق وانسى اللي كان وياك

* * *

وهم عنواني

اشتد بردي معاك
أعلنت ترحالي في هواك
سارعت نبضي خدعت حالي
إتخيلت إن قلبك خالي
حضنت أحلامي والنوم جافاني
عرفت إنك في بالي
وأني فراشة في برجك العالي
على صدرك الحاني
أتكوي أنا بنارك
نظرة عينيك شغلاني
بخادع فيك أوهامي
زي السحب في السما
بتمر بخيالي.. حساك اكتمالي
أنت وهي ولاء عنواني

* * *

كبرنا

هو إحنا فعلاً كبرنا
ولا الحياة غيرت ملامحنا
من كتر ما صدمتنا توهتنا
همست لدنيتنا خدعتنا
هزت فينا أوتارنا
وذرات ملامحنا
نستنا الأمل جوانا
والتجمع وملتنا
وأجمل أجازة في عيدنا
وأصعب شيء في حياتنا
المدرسة وجامعتنا
ومعاناة ياما جمعتنا
وذكريات فرحتنا
فين الأتاري والطيارات
ومعاكسة البنات
دلوقتي السعادة لحظية
والضحكة مش دائمة
ولا ليك ولا ليا
كبرنا بطلنا نحكي اللي جوانا

شروق وغروب والدنيا مَماشيانا
 حتى قناعتنا بعدت كثير عنا
 واحنا بنترجى فيها ليل ونهار
 ونقول أكيد هنكمل المشوار
 نفتح لنور الشمس ألف نهار
 الأمل أكيد جوانا

ممکن الحياة تفرقنا
 أو تكسر جوانا أحلامنا
 ويترمي الكبر في أحضاننا
 واحنا لسا في بداية حياتنا
 وتتبس كل عقاربنا
 ويتغير كثير تفكيرنا
 ونسى معاه معالمنا
 ونضم أوي أوجاعنا
 والراحة ما تبقاش دوا في عصيرنا
 والدنيا من تاني توجعنا
 الأمل أكيد جوانا
 وبكرا أكيد هنكون ...
 مش هنتصدم ونتوه
 ولا نغير العنوان



ولا ننسى في يوم أوجاعنا
حياتنا كفاح وطموح
والضحكة جوانا
مش هننكسر ولا ننسى في يوم أحلامنا
هنقول لها استني
المستحيل له سكة تانية
بكرا ترفرف جوا السما قلوبنا
وتوضح كتير معالمنا

* * *

حُضْن تَانِي

معاك عرفت معنى الحياة
كنت عايشة بجنونك كنت جواه
السعادة بترقص جوا في عينيا
شوق ولهفة
لمسة حنونة
قصة كانت مجنونة
كنت الابتسامة
كنت فاكرة
قلبي جواك أمانة
سرو وجودي
كنت بهواك حد العبادة
سامعة صوت اللخبطة
جوا قلبك كان زيادة
مع حروف متكسرة
كنت بيك متمسكة
رغم شموخي
رغم الضجيج
جوا مشاعري
كف إيدك يحضن إيديًا



نظرتك دنيا ليا
حاسة بيها
تؤام لروحي
كنت عارفة مكاني
كنت لاقيني
سامعة صوتك
كنت شيفاني
حاسة بيك
أنا لمسك
قلبي حضنك
ألمس رعشتك
مع لهفتك
آخر المطاف
ألاقيني في سكتك
خيال مريض مع همستك
دموع بتنزف
هنسك أكيد
وانت ما زلت برعشتك
شخص تاني
طارواترمي
في حضن تاني

كسر جناحي
خنقني بزيادة
بتر حلبي وطواني
خلاص انتهى
سكتي غير سكتك
مش راجعة تاني
أرسم ضحكتك
مش عايزة منك بسمتي
أو فرصة تانية لفرحتي
بحر قلبك غدار
خلى برق عيوني نار
عشقي كان بيفيض
وأنت لهيب ومرار
هي دي النهاية
هو ده، الاختيار

* * *

كفيفة في أرض المشاعر

الجو بارد أكيد
والضحكة كانت مبدعة
هي حقيقة
ولا متصنعة
شكل الحروف كانت مبدعة

عنوانها طفلة
قالوا رضيفة صغيرة
مسكوها القلم
وملكوها المقلمة
شربت حبر الكلام
كانت البكر الرشيدة
والخبرة عندها معدومة
في أرض المشاعر كفيفة
قالوا في دمها خفيفة
علموها الكتابة
قالوا لطيفة
في البداية حرف

بعدها كلمة في سطر
واحدة واحدة لقنوها
معاني للحب كثيرة
سمعوها
عرفوها
ولما شربوها
رضعت حبر المقلمة
شكل الحروف شوّهوها
الضحك أصبح موجعة
وفي أرض المشاعر رموها
إتبلدت كل المعاني
إتوجعت
قعدت تكتب
والحبر كان دمها
سال كثير دمعا
كل المعاني إتيتمت
واتبعثرت
تاھت جوا قلبها
انتحرت على رصيف جهلها
عيونها زاغت وكأنها
نزعوا منها بصيرة قلبها



كسروا حروفها
بتروا حلمها
ضاعت المقلمة
مشيت في الفراغ وحدها
فين ضحكتي المبدعة
فين جنتي
كتبي وحروفي
سطوري متبعثرة
فين بكاره قلبي
أنا لسا صغيرة
سجنوها
ودموعها متشرنقة
بنت قصور متزينة
أصبحت متحطمة
وفي قلبها متحكمة
وكأنها في تابوت مثبتة

* * *

اللي عاش دور الرجولة

اللي قوته كانت جبال
رغم إنه بيتكوي
كان دايمًا عنيد
قلبه حديد
النهادة بيبكي بدمعة مرة
ألف نبضة مش عارفها
مش فاهم هو حابها
ولا صايم عن كلامها
ماشي زي السراب
حب دا ولا غياب
أبعث رسالة
ولا أنسى العذاب
جوا عينيه ألف عتاب
مش فاهم نفسه
بس حاسسها
لحن عشقه جوا قلبه
هو بس بقلبه سمعه
أوقات يقول هودعه



أوقات يعاند قلبه ويسمعه

وهي فين

في سكة تانية

ولا حاسه بيه

ولا سامعة نابضه

* * *

صباية أنا عشقان

صباية أنا عشقان
في حضنها غرقان
ومقدر العرفان
دي مصر
أغلى م الأهل والخلان
بحبها وأنا فرحان
أو حتى يوم كربان
إيه السبب؟
خايف أنا قلقان
أو حتى يوم تعبان
في حضنها الأمان
إتغرّيت أنا زمان
شدتني نسمتها
أطل بعيني أزورها
ألقاها شمس وميه
هرم ونيل
وأنا ليها عطشان



فيها أبطال
سَطَرُوا اسمهم
زي الذهب في الحقيقة
أكثر من الخيال

مهما قلبي منها شال
أوعبي
ألاقيني تحت أمرها
واسمها عنوان
هي الحقيقة الوحيدة
هي المكان
قلبي ينبض بحبها
ويحلف بترايها
ما حد يستعمر أرضها
وف كربها
أنا تحت أمرها
وف حربها
دمي يروي أرضها
يطرح ثمر لجل أهلها
عاشق أنا اسمها
في ضي عيني حبها

في شرقها في غربها
أنا حارس ترابها
أنا صاين عرضها
أنا الأمين على اسمها
عاشق أنا
ولا عمري أنسى فضلها
لجل عيونها
يرخص لها
الغالي والتمين تحت أمرها

* * *

غيرت الأسمي

كنت يوم حبيبي
كنت الحنين
كنت الهوى
كنا دائما سوا
كنت برسم معاك أيامي
قلت رزقي
ونصبي
كنت دائما أقول حبيبي
زرعت بستاني
فصلت فستاني
كنت فرحتي
وحلي وضحكتي
كنت بيك متمسكة
فجأة لاقيتك مش هنا
رسمتك وشم ف السما
أبص ألقى صورتك وأنا
فرحة عمري
ألف قصيدة هنا بتبكي

آه يا عمري
أنت كلي
يا خسارة على حلبي
قفلت بابك قصادي
وعرفت تتخلى
قتلت أيامي
غيرت الأسمي
كثيبة الليالي
جرحت قلبي
حرقت حلبي
وتقوئي ماضي
وانتهى
وأنا صفحة وقفلتها
الأمر خلاص انتهى
صفحة مالهاش داعي
هانت عليك أيامي
وكأنك فعلت ماضي
والحاضر مالوش معنى
مالوش آتي
خلاص مالوش داعي
دلوقتي عن حالك راضي



أنا عمري عدى
وأنت بتتخلى
عملت قاضي
حكمت وأمرت
هشكي أنا لمين
لبيت رسمته
وجوا قلبي بنيته
ولاء لذكرياتى
ولاء لأوقاتى
اللي ضاعت من حياتى
هو عادى
إنك تبقى فى يوم لغيرى
طاب مين هيحضن فرحتى
مين هيسكن جوا ضحكى
مين هيظمن على صحتى
مين هيعيش دور الجريح
فى أزمى
وعن مين هحكى لصحبى
هو أنت فعلاً
ممكّن تبقى لحد تانى
صدقنى

أنا مش مصدقاني
مش ممكن تبقى لحد تاني

أنا عديت النجوم في سماك
لا يمكن يوم أنساك
أرجع أقول
جايز مش نصيبي
هو ما زال حبيبي
قلبي كتير موجوع
وكل ما أغير الموضوع
وأقول أنسى بقا أحزاني
لأزم أعيش من تاني
ألقاني اخترتك أنت
ويّا أحزاني
بس لا يمكن أرجعك تاني

* * *

حبيبي فاكر إحنا اتنين

إحنا روح واحدة ف جسدین
 بنحكي سوا كل الحكايات
 وواحدة واحدة تعدي الأوقات
 حبيبي بحر قلبك مليان حكايات
 وأنا لا عايزة تفاصيل ولا روايات
 دقيت على قلبي وعديت
 وفتحت زهور حي وغنيت

حبيبي

أشواقنا اختصرت كل المسافات
 لا حدود لا اتجاهات

حبيبي

ريح حبك لها تأثير
 وأنا وياك يبقى أسير
 زي فراشة ضربت بجناحها وبتطير
 وبتعزف وياك أجمل مواويل
 لا شاغلها كلام ولا تفاصيل

* * *

أنساك إزاي

أنساك إزاي
وانت حبيبي
حروفي وأشعاري
ملكك يا نصيبي
سلمتك روعي
وبأيديك أمري
وشعوري ونبضي
في غيومي
في أشجاني
ألقاك ترعاني
يتحكمم فيا حبك
يا حياتي
وأعزف ألحاني
بترسم فرحي
يا شمسي وقمري
ورذاذي ومطري
أتخطى الصعب
معاك يا نصيبي
حتى ف خيالي



نبضك يسقيني
يا روجي ووجداني
ف سري وإعلاني
مالك دواويني
يا شهدي وعشقي
يا ساعة لوقتي
يا حنيني
وسهري
يا شراعي
في بحري
بتزين فكري
في جناين شعري
بتنطق وردي
يا ريحة مسكي
يا بنفسج همسي
في سمايا بيرسي
أنساك إزاي

* * *

ما فيش داعي

ما فيش داعي ترسمني
حدوتة أنا عارفة تفاصيلها
تعزف لحنها ليا
مفكر إنك هتملك كدا عودي
وتعيش جوا في حدودي
وتبيع الورد في وجودي
وأنا أبكي
والدمعة تنام على خدودي
وتحلف ألف مرة
أنا ندمان وتعزف على دفوفي
لحن أنا عارفاه
فاهمه تفاصيله أنا شيفاه
معاك
أنا ضاعت براءة حروفي
ومليون مرة تقولي
أخويا وأختي وظروفي
تعبت أنا منها
مات جوايا الحنان



النهاردة

أنا طير مجروح وندمان

جوايا كتير أحزان

قصص وهموم أنا نهتها

كنت عارفة بداياتها

أنا طير تايه ومدبوحة

في سجنك عيوني مجروحة

متشوقة وعلى أمري

أنا مغلوبه

وأنت يا دوب تقول كام كلمة

وتقولي كام مرة

أنا خجلان

أنا دايب أنا عشقان

وبعدها ترسم كدا كام رسمة

وتقول خايف أنا أخسرها

وظروفي هبررها

ولازم أفكرها

أنا أكيد هغيرها

روح ولفّ على غيري

إحساس الحب أنا هنساه

أنا رافضة أكون مدفونة

وفرحتي مسجونة
ومنك أنا مشحونة
وأحزاني جوا قلبي مسكونة
أنا رافضة أعيش ملهوفة
وأبيع عمري
ومنك أنا مرعوبة
وأبكي والدمعة تنام على خدودي
ساكنة معايا
وأنت في حدودي

* * *



غربة الفراق

من يوم ما فارقتك يا حبيبي
وإنت ساكن أحلامي
بقت أشجاني سكناني
موسيقى نبضك وصلاني
وبتعزف لحن حزين على أوتاري
بوجودك تسعد أيامي
تسبح في بحورك أحلامي
في غيابك تحضر أحزاني
يا سما عشقي وهيامي
غيابك عني جرحني
كسر غصني!
ريحني!!
ليه بتودعني
يا حبيب قلبي
إرجعلي
اسكن في سمايا وفرحني
النوم نساني وخاصمني
والفرحة حلفت تفارقني

طيرك جاني صدقني
 حكى عنك وسألني
 رسايل حبك وصلالي
 تحكي وتتبسم لي
 في خيالاتك وفي أحلامك
 تاهت روجي في وديانك
 وكأني دم في شريانك
 أوروح بيها تعيش أيامك
 دقات قلبي وأشواقك
 عايشة معايا بتحضن أوقاتك
 شمعة تنور أيامك
 شمس بتشرق تمحي ظلامك
 تفرح بيّ تحضن أوهامك
 وحنين قلبك دائما يوصلني
 ويسألني
 كم واحد حبيبي قبلي
 قلت وحيات حبك
 أشواقك محفورة
 في نبضي وجوايا
 ساكنة سطورى عاشقة هوايا
 إنت عمري وأحلى حكايا



يا نهاري وليلي
فرحي همسي
وغيومي ومطري
حبك وطني
ولهفة أحضاني
ساكن ومربع جوا في أحلامي

* * *

أنا قادر

وعمري يوم ما اتهد
أنا جاي هزرع شجر
وبإذنه ينزل المطر
ألف صدمة عليا بتمر
بتقوي قلبي ومش بتهد
بزخرف حياتي حلم
وبكتب بألف حبر
بصهيل الحروف برسمةا
ألف قصة هكتبةا
مع شروق الشمس أنسجةا
ولما حبر قلبي ينزف وجعي
ما بين أهاتي وفرحي
مرة هادي وألف حاير
وف سِكتي عابر
وألف تهيدة جوا قلبي
معاها إحساس غادر
وأنا عاشق لسر الحياة
صامد وبكسر كل الجواجز
رغم الجروح قلبي طموح

وفمها عابر مش حزين
رغم الأنين جوايا حنين
أنا قادر وحلمي كبير
صامد وبكسر كل الجواجز
رغم احتكار الدنيا للغيوم
لازم أفك القيود أنا موجود
لازم أقوم وأزرع سنابل
وبفوضوية جوا قلبي بقول
أنا بصبري هقوم
وأني الغيوم
طموحي عالي
م لوش حدود
أنا على صفحة الحياة موجود
أنا عندي ثقة بنفسني
وهحفر اسمي
واركب بساط الريح
ومن غير جناح أنا طائر
ومعايا حلم لألف نهار
مع كل طلعة شمس هنسى المرار
وأفجر بأفكاري نور النهار
أنا عندي مناعة ضد المرار

أنا لا يمكن في يوم أنهار
أنا قادر أغير مجرى النهار
ومش هسدل الستار
هرسم بدل الغيوم أمطار
وأفرش التراب أزهار

* * *

على قيد الحياة مت

كام مرة
 وأنا على قيد الحياة مت
 بتمتم حرف بحرف
 وروحي منهارة
 وأنا سامعة جوايا حرب
 ف وشي ابتساماة
 جوايا ألف دايرة وعلامة
 قتلني واتجرد من رجولته
 نص الطريق وسابني
 كام مرة كنت فاكراه جنبي
 وهو بيكسرني
 وف كرامتي يطعني
 أصدقه ويخدعني
 أحن ليه زي الصحاري للمطر
 وهو يعاند ويقتلني
 أزرع ف قلبه الأمان
 وهو يقول دي بقايا ألحان
 ف اعتذاري وانهماري
 وطريقة سؤالي
 ببعته رسايل

ضد اليأس تنور طريقه
وهو من حنانه يجرمني
وألف مرة يخذلني
أسامح والحزن يسكني
وبكلامه يطعني
كنت له السكن والأمان
نسائي طموحي
وبعدني عن الأهل والخلان
شيلني مليون مسؤولية
كنت فاكراني معاه قوية
لاقيتني بجرّ الوجع فيا
بتألم بحجم السما
وهو بيلضم الموت فيا
ف وسط الطريق
بجر أحزاني
إتقطع نبض قلبي
زاد الوجع واشتد الصراخ فيا
رميت جسيمي ع الأرض
دموع عيني حضنت حبات الرمل
كام حلم مات وادفن
وعلى روعي لبست الكفن

حبك سم مكرر

على جناح الليل أنا نائمة
ألملم جراح قلبي الدايبة
وأنتظر الحمام ويّاك
أزين حروفي معاك
أنور شموعي بهواك
وأنا واقفة بشموخي
راكبة موجة أحلامك
اللي ف حبك
ناوية تتوضا
وأزرع على خد الندى
صورتني وأنا معاك
أمشي على دربك
وأزوق الهوا جنبك
فجأة لاقيت
كلام كتير حفظه
تعيد وتزيد ولا حاسه
كفاية بقا أحلام
سيبك من الأوهام

تعبت من الأشعار
 اللي بتحكيها ليل ونهار
 أنا حروفي برد ونار
 إياك تقول هَنهار
 وحبك ليا أنهار
 وأنك من غيري كثير محتار
 وف غيايبي
 قلبك مولع نار
 أنا فاهمك
 حفظه كلامك عن الحب
 أنا عارفاك
 عمري ما هسكن جوا هواك
 رايح جاي راسم نفسك
 كام واحدة معاك بترسلك
 تحكي وتتحاكي معاها
 تسكن جوا هواها
 وترجع وتقول بيحبك
 نفس كلامك لهم
 أفلام حب وغيره
 تحكي لكله عليها
 إياك تتجرأ على قلبي



أوتتزوج على أحلامي
حبك دا سم مكرر
وضميرك دا كلمة حقيرة
كفايك رسم ودواوين
وتغرر ف بنات حلوين
روح اتجرأ على ناس تانيين

* * *

البحار

فِ كل مكان إعصار
مد وجزر وتيار
أنا أسطورة كل الأشعار

أخطف قلبك تتونس بيّا
فِ قلبك أنا شط أمان
وف عقلك كل الأفكار
احذر براكين غضبي
أقوى من الإعصار
سكوني برق ورعد
وف جبي لازم تحتار
بحري أنا مغوار
لو تقدر تبقى البحار
تخطف قلبي وتسكني

ول بحري المغوار
مليون مشوار
إياك تنهار



دا نسيم حي
خطف الأنظار
احذر موجي والدوار
أنا أسطورة كل الأشعار
نبع الصلوات والأنهار

* * *

تنهيدة

ولإنك كنت ليا طوق ونجاة
وألف تنهيدة في السما بعيدة
تساوي حياة
بسمع صوتك
بين سطورك
رغم البعاد بهواك
بسمتي سلسبيل لهواك
وأنت فارس قصتي وأنا بهواك
أنا غيرتي عليك جنون
جواها قلب حنون
كنت فاكراك السعادة
والضحكة بزيادة
أرتعي في أحضانك
أستنشق هواك
واسرح واغني معاك
روحي متعلقة بحبل دايب ف هواك
ليه دائما ضحككتك عنيدة
حافر بينا خطوط متعرجة وبعيدة

عزفك هزيل دايمًا حزين
أنا ليك العيلة الكبيرة
أنا الجليسة الأمينة
على أسرار عمرك الكثيرة
قلت نصيبي معاك
بغسل بدمع الحنين شكواك
واقفة أضلك
حاسة بجرحك
أنا شرع الأمل جوا نبضك
يمكن ألاقى جواه رسالتك
عايشة معاك ولا هفرقك
جايز ابتسامتي تتولد من تاني وياك
وأنسى الشكوى وأنا معاك
ألاقى عبر روعي بسذاجة يرعاك
النهاردة ضعفي أقوى مني
رغم إني سمعك
شايقة سطورك بتختفي
وتمحي بهجرك لهفتي
بفتش عن معاد وياك
فكري وعقلي
كلي.. كواليس حياتي تهواك

النهاردة بللم بقايا ذكرياتي
أوراقى والماضي
وجعي وأهاتي
هحضن بقايا همومي وأحزاني

هكفن لهفتي وأبعد بقا عن دنيتك
وأرجع تاني لدنيتي
يمكن أعيش وأطوي صفحتك
وابدأ من تاني أيامي
جايز الدنيا شيلالي.....
والأمل راجعلي من تاني...
يرزقني فرحة تقدر وجودي وتحترم كياني

* * *

أنت أناني

كنت أتمنى تعيش فيا
 وف أحلامي وجفن عنيا
 لكن بنا جدار عالي
 وأنا م وأنا خيفة م الماضي وم الآتي
 ليه بس خلتي أفقد ثقتي ف ذاتي
 أسيرة ف حبك وأنت أناني
 كنت أمني القلب يا غالي
 وأنت الأعمى ولا بتعاني
 وأنت قصادي
 تدبح فيا ف كام وادي
 وبظنك وبشكك فيا
 وأنا من هي يسيل دمعي
 وارجع تاني أنسى ظنونك
 وأفتش ف قلبك عن أحلامي
 وانقش حلمك تاني على بابي
 كام مرة قلبي يقولي ليه مغلوبة أنا على أمري
 كل حروفي بتهرب مني
 وبكل لغات العالم بخاف دايمًا على حبي
 وارجع أشيع وياك قلبي

وأشد إزاري وأحاول أنسى كلامك ليا
وأرجع ثاني وبتقتلي
إنت الجاني إنت أناني
البعد عنك هو صوابي
قربك مني هو فنائي
أنا طير مدبوح داير ف مدارك
وف أشعاري مش لاقواني
تقتلي بكام كلمة
وحروفك مالهاش معنى
ف حبك اتعلمت أعاني
وف شرعك اتعلمت التفاني
قلت أعيش مع أطلالك
أو أوصل لشطوط حتى غرامك
تعبت كثير م الوحدة
أنا جنبك موجهة ولوحدني
ليه بتكشريا
ليه دايمًا بتكسريا
لا أنت فاهمني ولا فهمك
أنت هناك بتفكر فيهم
ومعايا مشاكل تتكرر
هدوءك دا صدقني غريب



وزعلك مني ما لوش تبرير
 تايه وكأنك ماشي مع التايهين
 بتكش ليا وتبعيت ليهم كام تقرير
 مكتوب فيه بسمة وضحكة وحلم كبير
 وكام مرة أبات مدبوحة
 وكام مرة أقول تتغير
 توجع قلبي أبات مغلوبة أنا على أمري
 كام مرة تقتل فيا وأنا بستنى جايز تتغير
 ف حضنها طفل أناني
 وراجل ف عنيه وعلى قلبي بتتأمر
 ما تيجي نتفرق
 وجودي جنبك شيء بيمرر
 أنت أناني ولا بتبرر
 لازم أكمل رحلتي من غيرك
 أنا طير مدبوح دايمًا متغرب
 وأشيع حبك... شيفاك مستغرب
 أنت أناني وصوت نبضي معاك هو الأغررب
 خلاص اتعلمت أبعد إياك تتقرب

* * *

عقلي ذهب

تعالى نريح المدام
نسقيها كام كاس تمام
يمكن تفوق جايزتتوه
م الجوع وم الصيام
تعالى نملا كاس كمان
وكام حذاء للضرب على ضهر المدام
يمكن توافق ع القبل والانحناء
يمكن تتلغبط وتسالك فين الهيام
تدفعلي كام
أنا قلبي داب من كتر الغرام
وكام مرة تقولي نام
أنا عمري ضاع
وف عقلي كام أرشيف كلام
مرجان ياقوت يمكن ذهب
أنا عقلي خلاص ف حبك ذهب
وحبي ليك أصبح لهب
والقطر ماشي مع الأسف
شد الحزام
واسقي المدام كل الغرام

قلبه حسام عقله تمام
 وشيعه من كتر القبل
 وبرديه وعطشيه وبلاش خصام
 أنا عمري ضاع مافيش كلام
 وحيي بحرف ليل ظلام
 جف الكلام وسط الزحام
 وكام وسام للمدام
 يمكن يشفيني م الزكام
 أنا ذنبي إيه؟
 وقلبي إيه ارتكب
 حالي فيلم بيطلع
 ولا تلاقيني م الجوع والعطش
 عقلي قد ذهب
 وشراعي اتحرق وسط اللهب
 ولا داب جليدي م العتب
 مليون علاقة لا خجل
 أنا عقلي يا ناس قد ذهب
 شجر الزيتون بقا لهب
 وأنا إمتي أتحدى الهدف
 وم المدام روحي ارتجف
 بطمنه قلت أسكنه

خايف عليه م ليل ظلام
وَدَّعت ليبي بظمنه
والقطر ماشي مع الأسف
ما فيش ملامح للأمل وسط النيام
كله تمام دنيا ظلام
خلص الكلام والقطر ماشي ولا وقف

* * *

وأنا وياك

بحس بينا خيط مقطوع
 ولما حد يسألني
 دايماً بغير الموضوع
 بحاول أمرر الكلام
 أو مرة أذوق الأحداث
 مرة بالغامق .. مرة بالفتاح
 واهي بتعدي
 وإن سألوني عن نفسي
 بقول هقطف م القمر ضله
 وأكيد هصبر
 أكيد بكرا هيكون...
 وأرجع أغير الموضوع
 أقول بحب الشعر
 واحكي معاه
 حنين قلبي
 ببيع في كلام
 وكله تمام
 وفي رسمي
 ألاقي نفسي

بكام لون
عذابي يهون
بسمتي وحزني
تجاعيد عمري جواها
ألاقي في الرسمة
كام أزيمة
وخيط مقطوع
نفسي أحس بالاطمئنان
نفسي ألاقي في قلبي سلام
أو طفلة بتضحك مع الأيام
بس أرجع ألاقي... الخيط مقطوع
ولسّا نفسي أعيش بأمان
أو مرة أغمض وقلبي ينام
قلبي يسافر لكل مكان
ولا فارق معايا زمان
هقطف من رحم الظلم أمان
هصبر أكيد وأستنى
جوايا أمل كداب
متعلق بكام حدوتة
قرأتها زمان في كتاب
سال فيها دم الشمس فوق أحلامنا زمان



لاقيت الكلام سهل
وفجأة أنا اخترتك
وأنا الموجهة
وحاسة
إن الخيط ما زال مقطوع
شوفتك كل الناس
وبعشق فيك دنيا وإحساس
لكن أنت فين ... أنت سراب
وأنا ف خيالي دايمًا بذوق الأحداث

* * *

غروب وشروق

أنا شايلة ف القلب ذكرى
أنا عايشة غروب وشروق بفطرة
أنا قلبي قلب طفلة
دايما ف الحب تشقى
في نص الطريق تتوه
ترجع تطير كطفلة
تسرق النوم م العيون
تحضن غيوم
دعائي ليك إنك تكون ملء الجفون
إياك تخون أنا نفسي أطير
بحلم بكون ما لهوش حدود
ما فيهوش سدود
حلبي بريء خليك معايا نكمله
جوا عيون الصبح تنوره
ويوصلك لشط قلبي
إياك تعاند القدر
أو تترك قلبي في خطر
أنا قلبي م الحب انشطر



إياك تبدد حلمنا
حلم بريء واقف هنا
ارجع بقا نرسم سوا
صورة فيها بنت وولد
ساكنين وسط الورود وسط الشجر
وبيت صغير بجنيينة خضرا بتحضنه
اضحك بقا وانسى الغروب
أنا قلبي في حبك خايف يدوب
يشكي العذاب ويا الغرام
ويعلن م الخوف السفر

* * *

نص ثاني

الرزق مش مال وبس
الصحة رزق وونس
الحب والصيت الحسن
يمكن ونيس بيك يحس
نص ثاني يفهمك
يعيش معاك فرحك وغضبك
حب ومودة وانصهار
بيك وليك دايمًا في ضهرك
حلم مشبوك جوا نبضك
ما فيش غياب ما فيش وداع
والعتاب نص ليا ونص ليك
والدعوة منك وليك
عايش معاها من غير دموع
قصة حياته ما فيهاش رجوع
حلم يللمسه
يحكي معاها... يكمله
وتبقى هي.... دنيته
عايش معاها... جنته



راسم إحساس حلم السنين
شاي ف عينها ضحكته
أجمل ملاذ لدنيتة
عارف إنها
مش أجمل بنات الكون
ولا أطول ولا أقصر منهم
كل اللي عدي كوم
وهي الأقوى منهم
بسمتها دايمًا مريحة
لابسة توب الوفاء وصريحة
منتهى العبادة
حما بزيادة
خريفها وربيعها بداية الولادة

* * *

كام طبله بتدق

والدنيا حبلى بالمفاجآت
زحمة ولهفة
بتصارع الخطوات
والله أعلم بالعباد
جواها صرخة ألم
وفرحة مكبوتة
خداع وصراع وعناد
وكام كدا حدوتة
القلب فيها ركع
والعقل باع وسجد
مات صهيل الكلام
كام مرة خدع كام مرة وعد
واللي حب وفرح قلبه ندم
وسط الظلام
على مرسى الشط همس
للعطور الفقيرة مشاعر كانت جميلة
حب وكلام يمكن بداية ميلاد
أو دايرة مقفولة



وسط العباد موجودة
 فوضى مشاعر ولا انتحار
 ف الزحام تاه النهار
 تقرب وتسمع كام مفاجأة
 كام قصيدة وطفلة واقفة هناك بعيدة
 تمد عينها تشوف حمام
 وكام ألف قناع وقناع
 فوضى وجريمة
 والشمعة في إيد الطفلة بريئة
 كام مرة كانت ضحكها وليدة
 وفيها ضي الحنين وسعيدة
 كام مليون كابوس
 والسكة كانت بعيدة
 ولا طلع النهار
 اتقطع العشب وأصبح دمار
 ضاع الأمان تاه الفجر وسط الزحام
 اتقتل جواها الحمام كبرت همومها
 شالت على كتافها أشلاء الصمت وكام مفاجأة
 نسيت ميعاد الصلاة
 وضحكتها وسط النجوم ف السما
 كام طبلية بتدق وتمز وتجر

وسط حبات المطر
تنادي النهار كام مرة ينهار
والطفلة واقفة والقلب محتار
بين العباد الأخضر أصبح رماد
اتنفس عدم وماتت الفراشات
ولا طلع النهار تفتكر القلب مات
ولا مستني كام ميعاد
ينسي به كل المفاجآت
ويبقى الزاد والزواد

* * *

حاجة كدا شدتني ليك

وسط الكلام لاقيتني فيك
 حلم السنين لامحاه جوا عنيك
 كل الحواس مهاجرة مني ساكنة فيك
 مشدودة ليك
 كامل الأوصاف ف قلبي
 بهديك ابتسامه
 مش عارفة فرحة ولا ندامة
 غباء حب ولا علامه
 حب فيه المطر جواه عتامه
 كلي يقولي فيك أنا عشمانيه

سمعت قلبك يقول تعالي
 نغني أشعارنا ع الروابي
 نحكي سوا كل الحكاوي
 وأنت قصيدة متبعتره وسط القهاوي
 وأنا وسط الغابات متشبكة
 سامعه صوت النجمات ويا الشتا
 أجري عليك إيدي ماسكه ف إيديك

أقول بسرعة اشتقت ليك
 وف قلبي شوق لأجمل هدية
 خاتم ف إيدي يوصل حنيني ويا حنينك
 ولهفتي جوا الحروف كل مشاعري دنيتك

سمعت صوت بينادي وكأنه مطباتي
 لازم نفترق.... لازم نفترق
 الأقي روجي تايهة اتجمدت
 كل الحروف اتبعترت

ومعاها دمعة وسط الحروف
 ساكنها خوف
 مش قادرة حتى تبعث نظرة عتاب
 كانت مستعدة للعبادة
 دلوقتي بتسوقها للندامة
 كانت طيارة ف سماك وأنت الوسادة
 زي الحمامة فرحة طيارة بابتسامه
 صمت وزهول ويا الشتا
 غمامة كبيرة ساكنة السما
 غابت فصول الحب من كتر الأنا
 سهام كيوييد تشهر سيوفها وتقتلي أنا



لازم نفترق

كنت فاكراك نصيبي وملك ليا
 كانت ضلوعي عالقة في ضلوعك
 لما أشوفك أنسى حزني م أنت ليا
 ألقاني في عيونك أجمل هدية ساكنة فيا
 كام مرة معاك رسمت بيت
 اختارنا سوا فستان وطرحه رسمنا فرحة
 فجأة عقلي سابني
 خيط مقطوع جوا قلبي
 ألف ذكرى.. حنين ونار
 صدمة تقتل وبدمار
 ما هو اختياري أكون معاك..
 بيك. وليك. وبهواك

كنت بحبك وسط الأخطار
 كنت بسافر ف عيونك من غير إنذار
 ومعاك أرضي كلها أزهار
 كل حروفي طابلهما النار
 تفاصيلي بقت أطلال
 صدقني مش هجزع ولا اتبعتر
 أنا لازم أشيل حزني على كتفي وأضحك

أضحك أضحك.. .. أضحك
على كذبة كبيرة كانت موجودة
جوايا كانت مجهولة
أنا مش مكسورة ولا مهزومة
أنا اللي اخترت وبنيت عشي
خلاص ما بقيتش بتوحشني
أنا اللي إحساسي باعني كتير ضيعني
أنا اللي نجوم الشتا خدعتني
هنتفارق... ولأزم أنسى
أنساك حتى في حلبي
وأخفي صورتك من بين ضلعي
وأمحي تفاصيلك مع دقائق قلبي

* * *



كنت سارقها

كنت كاتب لها قصيدة

حكاية حروفها بسيطة

فجأة لاقيتها

بتقولي:

سارقها ولا كاتبها

قلبي صدمني

في لحظة وجعني

لاقيتني مش قادر أخبي

عيوني من ذنبي

قلت: كاتبها

قالت:

كنت قاصدني وأنت كاتبها

كل عذابي جوا قصيدتك

قلت:

كاتبها بحروف من دمي

كل سطورها عنك تحكي

فجأة قالتلي:

إنت فقير بيغني

فاكر كل حروفك نبض لقلبي

خلت ليلى ويّا نهاري عليا بيبيكي

قالت:

بلا استئذان سرقت جوارحي

بسرعة سحبت قصيدتي

كل حروف العشق وصبري

دواية جواها قلب بيبيكي

هزت عرشي وأنا في معبدها

ساكن ويا حروفي هيامها

كنت مهاجر

ساكن خوفها ويّا غرمها

ف حضن هواها

كام مرة أحاول أقطف نبضة

لمحت كل حروفي معاها بتحكي

دمي بيجري جوا حروفي

عقلي حافظها جوا سطوري

حتى رموشي مجني عليها

طول الليل معاها بتعاني

وتقول إن كلامي تعبها

أصل حروفك سكنت فيا

كل كلامك دا بيقتلني
وحديث روحك معايا ساكني
ليه بتقتلني؟
أبعد عني بلاش تسرقني
فجأة لاقيتها لمعت عيناها

كنت سارقها
دقات روحها كنت سارقها
وف سوق الحب قتلك جمودها
سحر حروفي لحن على بابها
أنا دلوقتي كحل عيونها

* * *

أنت سامعني أنت حاسني

أنت سامعني أنت حاسني
ولا نسيتني
نسيت حرفي مع ألحاني
حبيبي وصفك ما لهوش تاني
قلبي اختارك من غير تفاصيلك
من غير شكلك أو تعابيرك
روحي سافرت مع نغماتك
تاقت أوي ويا مشاعرك
عشت سنين وياك مظلومة
كنا بنضحك مع بعضينا
كنا بنفرح فرحة كبيرة
طيبة قلبك والله حكاية
تحكي معاها ألف رواية
مهما حكيتك عن كلماتك
عن إحساسي مع نبضاتك
عشت حكاية ويا جنونك
مع أشواقك جوا حروفك

* * *

كنت بكذب

كنت بكذب لما قلت لك
 بكره صوتك ويا كلامك
 وأنا عايشة جوا همسك
 جوا رسمك وفي حروفك
 ساكنة في لهفة سطورك
 اترسمت ملامحي في حضورك
 كتبت عنواني جوا قلبك
 جوا روحك جوا نبضك
 أنت ليا وأنا ليك
 وشوقي ليك أكبر دليل
 أنت يا روجي الوفي الأصيل
 شامخ زي النخيل
 بتروي روجي ما ليك بديل
 يا نبلي بعد عطشي الطويل
 تعالَ نطوي البعد ونسقي روحنا
 ونلغي كلمة مستحيل
 قبل ما يشيخ فينا كل شيء جميل
 نكتب قصايد للنجوم

وأرسم ع السماء اسمك وأقول
يا عقد روجي في سماك منثور
إنت ليا وأنا ليك أبدًا يا روجي
ما ليك بديل

* * *

أنا لا يمكن

أنا لا يمكن أكون سجين
 لوحدي أنا تعبان
 عايش سنين حرمان
 عقلي م الغربية حيران
 راسم كلام الحب ع الحيطان
 راسم حلم جواه قلب كتير زعلان
 أنا لا يمكن أكون
 سجين بلا عنوان
 سهران وقلبي كمان
 كتاب مالوش عنوان
 أنا بحار بلا شراع بلا أنهار
 أنا ممزق بلا جدران
 وصوتي مكتوم أنا مصدوم
 أنا إنسان بلا أزمان
 لا يمكن أكون
 بائس، أنا كتير زعلان
 حقي مهضوم وغضبان
 أنا مخنوق وجوايا كتير أحزان

عشت التحدي ويا التصدي زمان
 أنا اللي جدودي بنوا الحضارة
 واتحدوا الصهاينة زمان
 أنا بكتب سطورى بدموعى
 أنا تعبان وحاسس أنا بالغبية
 بين أهلى وف الأوطان
 ودموعى م الغيبة محفورة ع الخد
 مقبوضة م البرد
 ما فيش نسمة ولا بسمه
 ما فيش حلم مرسوم على كف الشمس
 ما فيش شروق
 أنا مخنوق
 وجوايا كتير أحزان
 كتتمت دموعى وآهاتى
 وعشت ف حزن البرد

أنا دلوقتى
 دثرت أوراقى لاغيت الماضى
 أنا لا يمكن أكون سجين حيران
 وسط الضحايا المجروحين
 ما عدش يفيد أحلام

قيد ولا تحديد
 هتتغير الأحوال
 وأرجع تاني أنام
 وأحس بالنبضة
 والأهل والأوطان
 وأنا واقف ف الشمس
 ف حضن البرد
 أتصدى للمخاطر
 وأفتدي الأرض

أنا لازم أكون صابر
 وقلبي مثابر
 وبالدم هكتب ألف مليون سطر
 لا ظالم ولا باغي ولا جائر
 ولا حد هيقدر يبيع الأرض
 أنا أرضي مثل ماء المزن
 أنا مطلبي مكتوب
 وقلبي حديد
 أنا ثورة أنا نبضة لعهد جديد
 أنا مشتاق لألف نهار
 لصوت حي وقادر يهز الأرض

أنا بن البلد وصوت الحق
أنا اللي واقف على خط النار
أنا مش صوت خايف ولا جبار
أنا مشتاق لصوت الحق
أنا بحلم أكون حر
أنا قررت

* * *

بلغوا سلامي

بلغوا سلامي
للأغلى من ذاتي
يا مرمى عشقي وذكرياتني
يا بداية ميلادي
يا قمري وليلي ونجومي
يا كل مواسمي وغصوني
يا صوت الحق يا نبع وجودي
أجمل ألحاني في أبياتي
يا كل حواسي يا جفوني
يا جورية يا حورية
يا حكايتي الأبدية
من بداية الخليقة
وأنت أجمل هدية
يا أميرة ف قلبي
وليك الصدارة
يا مشرق زهوري
يا أصل الخضارة
يا حصني يا وصلي

يا روح بتنطق جوا سطري
يا اللي ساكنة ف روحك بسمتي
بلسم حنين ف شدتي
أميرة متوجة ف دنيتي
ما أنتِ حنانك صُحبتني
يا صاحبة الصولجان والإمارة
يا شمس منورة يا أجمل منارة
يا عاصمة الحنان يا ذاتي
بحبك يا صدى أنفاسي
عيونك شعاع ينور سِكتي
تحت رجلِكِي جنتي
يا أمي يا دنيتي

* * *

دقت طبول الحرب ف بلادي

دقت طبول الحرب ف بلادي
 والحارس واقف على حدودي
 وعلى أرضي أنا بنادي
 بقوله لازم أوصل لحبيبي
 وأبلغ لها من قلبي سلامي
 أنا راجع يا نبع حناني
 أهديكي قصيدتي وحمامي
 رسالتي جواها عمري
 ومن قلبي ببعثلك هيامي
 يا أجمل ياسمينه في بستاني
 يا هديل قلبي يا أسطورة أحلامي
 بهديكي قبلة حياتي
 قالت: افتح فنجانك هتلاقي

روجي مرسومة بأنفاسك
 عصفورة محبوسة في أحزانك
 أنا من غير ذكرى ف غيابك
 دمي بيجري ف شريانك

يا دمعي يا لحن غرامي
 بعثالك ساعة وأرقامي
 إياك تنسي يوم عيدي
 يوم ما تحرر كل حدودي
 أنا رسماك وشم على خدودي
 طبول الحرب بتغتلي
 بتكسر كل حطاني بتدبني
 وردى دم عطره على أرضي بيجري
 إياك تنسي معادي وتخوني
 أولادي واقفين ع خدي
 رقمك أنا كتباه جوا ف خلدي
 قال أنا خايف يا حبيبتي
 رياح الحرب بتعصرني
 بتسطر على قلبي موجعي
 كام مرة وأنا ف حدودك تحرقني
 وأنا واقف وبسطر اسمي
 رقمك مع اسمك يحرسني
 ساعتك معايا تفكرني
 بقراري أنا هغسل دمي
 أنا هرسم على أرضك قلبي
 فجأة على حدودك هجري

مش هسمح للحارس يمنعني
أنا هدخل في ميعادي وأقولك
أنا سامع صوت نبضك يا حبيبتى
أنا لامح ف عيونك ذنبى
أنا جايلك أنا همسح دمعك
أنا لازم بجهادى أعطر أرضك
جانى الحارس وحبسنى
قال مجنون ولا حكيتك
قال لازم يعدمنى
قلت أنا كارهك
يا يهودى يا صهيونى
أنهار خيرها جفت ف وجودك
من يومها
مسكنى من أيدي وكلبشنى
قلت ودمع عيونها بيحضنى
أنا شهيد لجل عيونك يا حبيبتى
لازم أوصل فى ميعادى
وأقدم لك أجمل أبياتى
لحن الحرية يا حبيبتى
يا أجمل نسمة يا هوى بلادى
تحت سماكى أنا حاسس بوجودى

أنا هصرخ ف وش العالم
وأحكي قصتي وأحمي حدودي
والشمس هتشرق ف وجودي
يا أجمل إلیاذة ف عیونی
أنا سمعك وهلی نداکی
أنا هبقى شهید لجل وجودي
لجل ولادی والجلیل الجای
أنا حالف أحرر كل حدودي

* * *

ظنوا أنه

دمية بين أيديهم مذقوه
 في الليل الحالك حرقوه
 وفي مهب الريح بعثروه
 ظنوا أنهم
 حطموا رايات الأمانى
 ومن أحلام الصبا جردوه
 كمنوا صوته وقيده
 وقالوا لدمشق
 الشمس مش ليك أنت للقبور
 وقفوا يغنوا ع البقايا

ما يعرفوش
 أنها من مرقدها هتعلن النور
 وهتروي تفاصيل النكايب ع السطور
 وعمرها يوم ما تلبس
 توب الحداد ويا الشجون

وحالفة إنها
تسرق عناقيد القبل م الرعود
مش هتموت أو يوم تضاجع السكون

أه يا بلادي
أنا إمتى أقول
إمتى خلاصك يا بلادي
جرح العراق بيشتكي
طفى الغريب حلمها
بيروت معاها بتنتفض
والقدس وسط القذائف تتكوي
كل الصهاينة علمها إتمردوا
حرقوا بيوتها وشردوا
واقفة الطفولة بتنتحر
واتكسرت كل الجسور
أنا مش هكون معدومة
وف سجنهم مسجونة
ولا مدفونة ويا صوتي
مهما قيدوني
أو دثروني في القبور
أنا إللي

أحلامي أزهاره تعلن النور
هزرع ورد في الصحاري
وألبسك يا بلادي
الأخضر والفيثاء وأعطرك بالبخور
هاعلنك للبقاء
وكل مخنث فيك هراء
كل حنة تبقى منّ وسلوى
لجلك أنتِ هحضن النوى
ع جمر اللظى
أنا اللي كل حروفي بتتجدد
ويا الطفولة بتنتحر
بلدي الجريحة بتشتكي
والفجر الوليد هو الدوا
هاكون سيمفونية
وموسيقى للسلام
أنا اللي هاحي ع ضهري
وأحارب الصهاينة
وأرقص وسط النهار
في رحمك يا بلادي هكون
حورية طاهرة وعفيفة
مش مفتوحة الصدر

ولا مغتصبة وجريحة
 أنا ملحمة وصولجان لجل النهار
 ما يهمهاش المذايح في الحقيقة
 مهما عنت من فقدان
 هاختلس الطاقة والزمان
 هاغزل بصبري نسل الرجال
 هاعلن شروق شمس الأبطال
 هتكون ثورتي في كل مكان
 هاقوم وأعلن بالليل النهار
 لجل الحب هغزل هوى الأحرار
 أنا كل البيوت أنا الوجدان
 أنا صرخة الشتاء
 بعد طول الغياب
 همحي شيوخ اتحنطت بلا أسباب
 هتغرد الصبايا وتدق طبول الشباب
 مواويل بصوت الحب ويا النهار
 أنا حروف هتخط السحاب
 أنا شمس الحرية على الشيطان
 أنا نفس الإيمان وفيض من الرحمان

فهرس

- ٧..... تأشيرة
- ٩..... بعث كثر رسائل
- ١٢..... وهم عنواني
- ١٣..... كبرنا
- ١٦..... حضن ثاني
- ١٩..... كلفة في أرض المشاعر
- ٢٢..... اللي عاش دور الرجولة
- ٢٤..... صباة أنا عشقان
- ٢٧..... غيرت الأسمي
- ٣١..... حبيبي فاكر إحنا اتنين
- ٣٢..... أنساك إزاي
- ٣٤..... ما فيش داعي
- ٣٧..... غربة الفراق
- ٤٠..... أنا قادر
- ٤٣..... على قيد الحياة مت

- ٤٥.....حبك سم مكرر.....
- ٤٨.....البحار.....
- ٥٠.....تمهيدة.....
- ٥٣.....أنت أناني.....
- ٥٦.....عقلي ذهب.....
- ٥٩.....وأنا وياك.....
- ٦٢.....غروب وشروق.....
- ٦٤.....نص ثاني.....
- ٦٦.....كام طيلة بتدق.....
- ٦٩.....حاجة كدا شدتني ليك.....
- ٧٣.....كنت سارقها.....
- ٧٦.....أنت سامعني أنت حاسسني.....
- ٧٧.....كنت بكذب.....
- ٧٩.....أنا لا يمكن.....
- ٨٣.....بلغوا سلامي.....
- ٨٥.....دقت طبول الحرب ف بلادي.....
- ٨٩.....ظنوا أنه.....